

江西詩徵

江西詩徵卷十七

南城曾煥寶谷編輯

宋

曹彥約

彥約字簡甫都昌人淳熙八年進士累官寶謨閣待制知成都府以華文閣學士致仕卒謚文簡著  
有昌谷集

次韻使君湖莊歌

使君德量湖水寬春風吹人春色寒山川自古幽絕處鑄  
鐵點頑成轉丹頻作好詩醇似酒妃子鬪妍西子醜人生  
行樂只花時更吸西江斟北斗

挽故丞相忠定趙沂公

對策飛龍日宗卿夙所期時來人激烈身定國危疑一德  
三朝老孤忠百世師是非空貝錦銘篆有鐘彝

夜坐

道人心事自幽閒身在星流羽檄間吏退燈前書到眼袖  
爐烘暖鷓鴣斑

上周益公

荒村建午月斯螽動股鳴借問暑方熾何意作秋聲自言  
本寒族四海無令名振羽每自嘆在野神屢驚常恐向寒  
時風霜莽飄零憶昨寒谷中春風全我生贈我百草芳過  
我趨趨征是時木未茁及此莖向榮感彼蟋蟀歌日月道

以傾促織未成章凄切難爲聽願言日載陽有鳴隨倉庚

贈別徐秀

出京纔四日雨雪日一縣行徧淞江頭夢識廬山面相逢  
兄弟歡莫作兒女戀歸計動心旌春風搖柳線

帥相泛巨舟東下水淺不可進盤旋三日僅至菱黃  
浦率同行就此作別簡以小詩

半日蓼蓼離岸鼓萬斛龍驤發南浦戈鋌照日牙纛明百  
丈呀啞更雙艣眼前突兀勝華屋前廳中堂後園浴主人  
燕坐擁歌舞晝捧金樽夜銀燭吳人餘皇那可比漢家樓  
船聊爾耳有時但可濟舟師無事只堪橫野水太平州縣  
邊無譴行所朝夕如居家恩光草際碧弄色心事柳梢黃

萌芽我亦同時浮一葉葭葦作篙蒲作楫坐久欠伸頭觸  
篷臥多展轉衣成摺旁瞻畫鷁如飛動絕似茅茨望梁棟  
春花嬌面秋月眉爭妍不到書生夢誰知淺水雞籠山順  
風不下畱驚灘津人用盡如神力長年三老忘朝餐嗚呼  
材具各有用杭稻不生種陸種涸轍聊濡鮒魚沫大壑方  
觀巨鱗縱我生簡便非憚煩坐觀燕蝠爭晨昏瞥然便轉  
子猷棹明朝直到章江門

次韻蔡元簡麒麟湖莊之句

雞本憚犧先斷尾燕粗能巢聊葺壘漫郎無用却歸來得  
熟道傍真苦李誰家買田綠當戶何人種花紅照水君詩  
讀罷已忘機撲漉沙鷗隨處起

景仁寄和蕭公陂次其韻

照眼石榴裙褶紅回頭浪蕊隨春空  
春歸湓浦風塵外詩到淮南烟雨中  
護田將綠一水同造化奪巧非天公  
錦囊不盡思無窮我欲從之歌元豐

方南康席上觀贛妓秀英作墨梅竹

南州佳人號秀英竊弄毛穎親儒生  
解衣旁若無我輩疎梅矮竹真天成  
公主朝粧弄眉墨誤作鉛華汚宮額  
此君劒氣藏鋒鏑張顛幻出公孫娘  
我來忽見驚人目張八何生魏何熟  
酒酣耳熱且勿喧爲我慇懃寫雙幅

次韻趙使君師夏謁白鹿遊棲賢長句

三峽移名澗響空中著一橋如飲虹  
旁通濺瀑龍所宮謂

佛有力真冥濛非造物意無禹功一綫偶達成巨礪可怪  
一律人贖輦助桀唱和更撞春或者誤信晨暮鐘萬有一  
幸相際逢吾儒自有名教蹤壁立萬古澗底松異端瑣細  
秋後蛩一物不格皆妄庸誰知健者此山中樸實可亂田  
舍翁出郊小隊不妨農黃巖意與考亭通長養此道如種  
穰發爾私雨我公穗裝雖饑亦有豐常行萬世無汗隆  
行健不息人中龍不妨更擊白鹿鼓扣之大小皆眷容

送十三郎赴尉漢陽

宦路今如此親聞望已深是誰門戶責慰我父兄心鏡裏  
休頻看杯中但淺斟前賢官業處端的要追尋

此地關情久淳龐好士民向來同患難今歷幾秋春綵棒

迎新尉綈袍說舊人爲言昌谷老寄語益相親

出郊偶成呈府判知縣三丈

奉行三尺令問訊十分春雞犬柴門曉牛羊草徑新遠投  
雙嶺寺頻見耦耕人我亦江南客爲農頗識真  
去郭喧囂遠空江氣象寬柳舒含絮媚梅褪著枝酸物外  
登山好公餘盡日歡歸遲應犯夜暝色古江干

聞官軍收復新息

降敵知無日和盟事已休百年艱國步九世憶家讐獲蔡  
馳新捷收京有定謀可無吞并慮馬健更防秋

湖莊雜詩

萬頃蒼茫外三年種植初路回深吠犬藻密暗游魚舊酒



春同盞新茶雪不如稍修遺老傳忘答故人書  
野水平湖闊雲山疊嶂深一溪橫驛道兩岸夾神林亂石  
通人迹孤舟繫客心幾年茅葦地松檜已侵尋

後溪先生劉閣學挽章

早際龍光渥中更貝錦傷升沉關運數變故識忠良天定  
當持國時來倚幹方至今羊叔子名繞峴山傍  
任重存吾道憂心屬鉅公三朝千載遇一代數人中筆健  
心尤壯名高晚更穹差肩誰許似八秩有初終

江村散步

已落無邊木猶誅不盡茅沙光迎遠景風力鬧寒梢牧處  
高低路漁時遠近郊竹籬茅舍外門閉可推敲

讀乞歸不允詔

有赫絲綸寵空貽老病羞命從今日下事比去年秋已向  
祠官去猶爲講席畱誰知蝴蝶夢栩栩到吾州

課園丁洗竹

種竹年華晚新添數百竿低垂非我好冗長要人刪直節  
心期露疎行眼界寬從今風月夜清白足相安

迎寺丞舅歸舟

桂林使者赤松人爭得匡廬自在身蟬蛻一官驚俗子鶴  
鳴雙繡壓江神人生到此方爲樂世路新來可具陳開盡  
朱門無鎖鑰滿城桃李萬家春

九日領諸子同季明泛舟之湖莊

爲酬佳節訪江臯短棹能寬腳力勞把菊未遑憂歲惡愛  
松相與歎風饕雨餘得水三湖闊天靜無塵九疊高老病  
不將詩領會新來能賦屬兒曹

送權次翁赴湖北計幕

萬竈龜雛趣上邊黃華新遣墨猶鮮何人共了飛芻事有  
客同稱入幕賢舉酒便驚分袂處掛帆直到賞音前不妨  
勲業高前哲却與山寮作後編

一碧萬頃堂

乞得湖光萬頃多傍招九疊更嵯峨百年未死須閒在一  
日不來如景何意遠已知貪雪月身安猶欲鎮風波只愁  
頑似雲間石更有何人爲琢磨

望廬山

暮年秋色戀江鄉  
酒熟魚肥蟹著黃  
已見廬山非入夢  
一帆風穩趲歸航

裴萬頃

萬頃字元量  
新建人  
淳熙十年進士  
嘉定初除吏部架閣  
遷大理司直  
力丐外任  
添差江西撫幹卒  
有竹齋詩集

歸興

新築書堂壁未乾  
馬蹄催我上長安  
兒時祇道爲官好  
老去方知行路難  
千里關山千里念  
一番風雨一番寒  
何如靜坐茅齋下  
翠竹蒼梧子細看

閑居

閑居最與性相便  
勤卽繙書懶卽眠  
終日閉門真省事  
有時面壁似耽禪  
大椿歲籥祈親壽  
斷簡生涯聽子傳  
待問洪崖覓丹訣  
白雲深處引寒泉

羅溪橋

我來從西昌  
日日困塵土  
誰知羅溪橋  
淨若初過雨  
長松列左右  
清風奏宮羽  
薄暮舍籃輿  
扁舟渡溪去

病中聞伯量相訪寄之

我屋修竹根  
身閒境逾靜  
維摩本無心  
誰令示人病  
夕陽耿疎林  
影落莓苔徑  
佇立有所懷  
高人儻乘興

高人在城郭  
應酬頗紛如  
憶我煙霞栖  
遺我一紙書  
雨餘

窗戶窸蜩聲滿階除相過有成言何時命巾車

蝥運

知戰不能損檀氏所以亡吾媿與槐敵將何固封疆及此  
閒暇時相與積乃倉不須更他驚富國兵自強

見雪

元冥當語誰餉我一簷雪吾廬本來靜得此更清絕遙憐  
北海上往往已盈尺齧瓊人在否毋凌漢臣節

出門

出門復入門吾行竟安之攜書北窗下翻閱聊自怡有懷  
千載人掩卷還歔歔采采首陽薇戀戀商山芝一裘或終  
身欣然釣江湄斯人不可作斯道日湮微目前稻粱謀鳬

鴈方齊飛青田寂無音歲晚將疇依慎勿出門去塵埃染人衣

睡起

疾去得安臥寒宵不知長鄰雞忽聞聲曙色侵我牀人生孰無營晨興固其常奈何以一身投之百憂場吾方休我心與世長相忘適逢希夷翁授我枕中方意行到華胥日晨猶徜徉回觀一世人擾擾良可傷誰能從我遊要須閉春皇

安樂窩示元德弟

往時病僧寮今爲安樂窩昔病而今安所得良已多百年直須臾一邱且婆娑倦視蒼樓茂林潛鱗泚重波方欣隨所

願豈復知其他朝來啟南窗羣山鬱嵯峨上有無心雲乘  
風遠相過却觀聲利場紛紛正橫戈到頭蠻與觸勝負能  
幾何曷若休吾心考槃依澗阿孟夏草木繁雨餘氣清和  
四壁環斷碑經史星宿羅幅巾據胡牀翛然目吟哦因之  
成此詩要使兒童歌

清泉出石竇白雲臥山窩淋漓乍開霽原野歡聲多吾廬  
近西峰其下林婆娑解衣坐磐石持竿釣清波主人忘機  
心鷗鳥亦無他東魯與南郭泰山等峩峩周子何人哉自  
許不啻過一朝離草堂山英遂橫戈折轅不得還如此俗  
駕何仰視前修翁鉛刀比太阿子弟山林人心平氣自和  
懽然樂簞瓢笑彼輩羶羅好書不厭觀佳句時一哦煩庶



江西南行 卷十一  
紫芝曲爲我醉時歌

題伯量春風堂

未登春風堂嘗讀春風詩春風不易得令人每懷思一堂  
誰獨無所至皆有之奈何堂中人此意多背馳聽雨不對  
牀煮豆先燃其寧賡粟布歌不肯吹填箎和氣自此傷怨  
怒無休時遂令君家堂獨立修江湄昔我嘗宦遊兄弟輕  
別離自從失予季憂悶鬢成絲仲叔幸無他相從曰怡怡  
數榻松竹間頗與我輩宜濁醪無獨斟陳編有同披從今  
常杜門共試春風詞燕谷空尚寒暖律冀一吹君能不靳  
否春風元不私

宿田家竹亭

我家西山巔四壁皆此君  
揭來事奔馳日與茅蒿親  
方思坡仙詩恐入俗士群  
止我宿者誰此君滿其門  
頽然千百夫一見若故人  
夜深清風來好音夢中聞  
呼童啟北牕爲渠炷爐芬

錢塘別吳長文司理

同心而異鄉旣見復輕別  
豈終無會期南北渺難必  
郵亭君與我強飯再三說  
此意非不領欲話聲已咽  
肩輿使前驅分手大江側  
升高輒回首猶擬望顏色  
予家古南州勝友固不乏  
如君相知深千百未見一  
君才十倍我君德更剛直  
贈行詩滿紙字字良有益  
誰與趣我去胡不緩句浹  
嚙臍悵弗及寫心寄愁絕

厭原山中曉行

碧鷄夜半聲唳喚起幽人步林樾秋高風露著群木無數  
寒花泣明月松篁一徑宛如畫石溜淅淅更清絕山巔  
便好結茅廬莫待他年髮成雪

贈拂雲主人

十年作計須種木一日不可使無竹道人於此得三昧綠  
霧中間著蒼玉拂雲誰爲名其居我亦心同雲卷舒相期  
直覓飛霞佩不用重拈種樹書

次余主簿仲庸梅韻

春醪欲冰木欲折急雨風吹不成雪玉妃夜墮廣寒宮開  
作寒花賽清絕未須千樹插山巔且要幾枝橫水邊暗香

疎影尙無恙憑誰喚起西湖仙不妨琢句更馳送一洗十  
年塵土夢鐵心元不爲渠回眼底珠璣聊鍛弄

再呈仲庸

芳枝莫遣風吹折要看枝頭千點雪孤山疇昔盛開時十  
里香颺飛不絕蹇驢烏帽照霜巔長吟竟日溪橋邊自從  
和靖收聲後一時翰墨歸坡仙只今往事飛鴻送寂寞西  
湖投老夢花開花落謾傷心明月清湍誰與弄

用鄭浮梁韻簡園師

杖屨山蹊窄鐘魚佛界深寒梅殘屋角春薺老牆陰一水  
元無恙扁舟尙可尋煩師掬清溜爲我洗塵心

古寺規模壯空山歲月深春排千樹綠雲墮一溪陰地僻

人稀到官閑我得尋歸來詫清賞未覺負初心

次胡伯仁韻

山長飛鳥急江濶去帆微唱晚幾漁笛憑高一釣磯從君  
濯冰雪滿袖得珠璣三歎不能已歸來吟夕暉

寄題胡穉齋盆池

穉齋主人嗜泉石一舸來家楚江側水光山色晴逼人中  
有軒牕更清絕汲泉爲池良不惡坐見漣漪照金碧墮開  
寶鑑大如許月墮冰輪光欲溢何須泰華尋玉井謾說仇  
池有仙穴箇中風露無處著長爲昭華洗炎熱嗟予疎懶  
真成癖想像哦詩竟何益安得身爲穉齋客醉臥池邊聽

錦瑟

偶成

松徑煩風埽柴門爲雨扃行攜道院集坐對敬齋銘好事  
心常記閑談耳不聽觀空爲時悞無異醉初醒

暘谷偶成

竹近頗忻衣袂爽苔深長恐履痕侵夜燈四壁圖書影曉  
日一牀花木陰載酒只今誰好事絕絃從昔未知音區區  
物外成何用慎勿緣渠愁此心

喜范光伯相過

章江東下幾灣洄誰伴臞僊夜探梅離別不禁詩社冷遭  
逢莫放酒船回冰霜滿眼歲將換花柳轉頭春又來安得  
飛騰九霄外鞭鸞答鳳日相陪

次光伯韻

竹逕當年手自開只今無處著莓苔絕憐此地過從少賴  
有高人時復來籬下久霜猶有菊水邊近臘正多梅我云  
眷眷三年別君莫忽忽一夕回

讀伯仁詩卷

憶昔從君漁釣時小舟行遍楚江湄僧房夜月琴三疊客  
舍秋風酒一卮別後相思梅折盡書成欲寄鴈來遲蛩聲  
驚覺寒牕夢自起挑燈讀舊詩

用黃子益韻

青衫日日困塵沙安用浮名與世誇已過半生真似夢未  
荒三徑且還家恨無沈水紆香穗喜有寒泉淪茗花袖水

西歸遶口手園林幽處看桑麻

睡起忻然思慮少病餘猶覺應酬艱招搖風月聊須竹收  
抬雲煙幸有山但要世緣隨手斷莫憂詩債幾時還追奔  
富貴非吾事且占林泉一味閑

大雪用前韻

誰知天巧出元機但怪飛璫過眼奇暝立風枝寒雀倦愁  
吟冰谷曉猿飢蘆花洲渚月明夜柳絮池塘春暮時此景  
人間不長有寫真傳影正須詩

善利閣次伯仁所題趙子良畫

篴篥君鄉來分明記江樹想君詩成時夢作白鷗去  
平生交遊間吾幘蓋屨岸區區稻粱謀君亦逐鴻鴈



風簷手君詩心跡已清絕何當更長吟坐對澄江雪  
扁舟兩漁翁清唱發日暮安得如鴟夷相與五湖去

予旣得烏石岡西望葛壇在雲霄中相去雖遠山勢  
不斷林木歷歷可數異時乞靈仙翁不難矣喜而成  
詩寄葛壇主人

東西知隔幾牛鳴山勢綿綿若引繩待向岡邊結茅屋幅  
巾遙禮夜壇燈

次敬叔韻

玉鑑冰壺一段清鐵中誰與鬥錚錚眼看萬里雲霄路不  
信驂騑地上行

別我新詩有許清玉聲金韻兩琮琤筆端定自翻三峽乞

與餘波賦贈行

次余仲庸松風閣韻

飛花數點雨初歇，啼鳥一聲春正長。  
讀罷黃庭了無事，旋安銀葉試爐香。

古木陰陰六月涼，幽花藉藉四時香。  
絲桐清夜作三弄，明月入簾風拂牀。

日出

日出柴門尚嬾開，綠陰多處且徘徊。  
槐花滿地無人掃，半在牆根和紫苔。

早作

北牕清冷不成眠，風遞蛩聲到枕邊。  
試喚兒童卷疎箔，一

言集 卷一  
簷花影月娟娟

絕句

數聲牧笛日將晚一曲樵歌山更幽  
解帶盤桓小溪上坐看紅葉汎清流

雪中再示德齡

平生蓑笠慣衝寒長憶江湖把釣竿  
昨夜北牕聞雪作夢魂飛到子陵灘

別曹教授

從渠柳色自青青莫爲行人賦渭城  
只恐南牆舊時竹誤隨風雨作離聲

題希亮畫

曉牧歸來月在山夜深茅舍不勝寒  
栖鳥欲動催翁起快傍煙汀把釣竿

危正

正原名科字逢吉號巽齋又號驪塘臨川人淳熙十四年進士歷屯田郎官出知潮州又知漳州忤部使者請祠歸有巽齋小集

借詩話于應祥弟有不許點抹之約作詩戲之

我有讀書癖每喜以筆界抹黃籀句眼施朱表事派此手定權衡衆理析畎澮歷歷粲可觀開卷如畫繪知君篤友于因從借詩話過手有約言不許一筆壞自語落我耳便覺意生械明朝試靜觀議論頗澎湃讀到會議處時時欲

犯戒將舉手復止火側禁搔疥技癢無所施悶懷時一噫  
只可捲還君如此讀不快千駟容可輕君抱亦不隘昨問  
鷄林人尙有此編賣典衣須一收吾炙當痛嚼

經從豐城謁于房州于令侍姬歌舞進酒

蛾眉對酒舞涼伊舞身還逐歌聲齊卷花萬段忽進酒門  
高蛺蝶飛來低

春日卽事

麥風翻隴潑濃綠花露摘枝黏老紅小立樓頭檢春事一  
絲暖日墜青蟲

郭公

郭公郭公聞爾失國春秋時何事到此猶悲啼郭公前言

亡國故當時祇緣臣子誤百年社稷不得歸而今家住柘  
岡西滿目春風都是恨聲聲說與齊侯知郭亡矣君勉之  
送柴中行出守章貢

力爲君王乞得州補天未了石還收人才自係國輕重吾  
道亦闕公去留殿角纔辭槐影日船頭便轉荻花秋競誇  
祖帳東門外誰識眉攢杜甫愁

上隆興趙帥

買宅須買千萬鄰季雅喜得王僧珍買山百萬復誰與襄  
陽節度真主人我生兀兀鑽蠹簡不肯低頭殖資產綴名  
虎榜二十年依舊酸寒廣文飯綠鬢半作星星華豈堪風  
雨猶無家大鵬小鷄各自適只有鴻鴈長汀沙弟昆團藥

雖足樂老屋蕭條不堪著玉堂便是無骨相也合專儂一  
邱壑近來卜築窮冥搜十里而近依松楸驅龍塘上鄧家  
邱半山老人所釣遊半山天下文章伯鄧家聲名亦輝赫  
斷碑猶在古牆陰好句曾經寫山色買鄰得此天所予獨  
欠山資無覓處平生罵錢作阿堵倉卒呼渠寧肯顧君侯  
地位高入雲筆所到處皆成春萬閒廣廈芘許遠豈無一  
室棲貧身王鄧故處爲鄰曲更得趙侯錢買屋便哦詩句  
謝山神飲水也勝樽酒綠

送劉帥歸蜀

萬水朝東弱水西先生歸去老峨眉人閒那有樓千尺望  
得峨眉山見時

送孫行之出守衡陽

日日江頭送客行  
況聞君去作專城  
心存臣子無中外  
士繫朝廷有重輕  
諫疏滿懷催上道  
中原萬事想關情  
戎葵到底還傾日  
側耳衡陽來鴈聲

送晁告院得南康

我是康廬舊冷官  
夢魂今尙憶雲端  
山將草色到天碧  
泉帶松聲出谷寒  
仙觀幾年留鶴隱  
古潭有日起龍蟠  
史君肯著詩料理  
乞取蠻牋半幅看

繆瑜

瑜字珍叟龍南人  
淳熙十四年進士  
有崆峒詩集

釣臺二首



王陽在位貢公喜何況故人作天子掉頭不肯從渠遊却  
把絲竿釣江水欲將此意問遺靈寂寞江山喚不應至今  
桐江一拳石留得人間千古名

桐廬江中秋水清富春山中秋月明釣竿千尺無恙在持  
竿我欲從先生先生豈是傲當世鄙夫患失涓涓是狂瀾  
旣倒挽之回持報故人惟此爾袞衣不博一羊裘事往臺  
空江自流遂令千古重名節於乎先生真漢傑

### 紀災

鬱攸屬者潛扇災蜚廉縱風相與偕林林生齒七萬戶連  
費接棟燒成灰如何老翁一區宅間不以寸獨不煥玉石  
俱焚勢應爾豈有幻術能然哉聞之翁乃好善者平時事

佛經卷開有餘必以濟貧乏不以利欲縈其懷倉卒遂蒙  
鬼神護萬目注視咸驚猜厥初巨燄熱天起左顧右盼如  
燔柴翁知無地可脫免委身甘作燼與煨糜兒與婦令亟  
走誓死不去無違乖全家酣寢越信宿如聞大浪聲喧阗  
及其夢覺火亦息依然一室當崔嵬微如蒲萄不熏灼而  
况梁棟與桷榱蒼蒼表善有如此餘自作孽何足哀作詩  
誌往勸來者勿以斯語同優俳

陳文蔚

文蔚字才卿上饒人朱子門人自號克齋隱居不  
仕著有克齋集

徐敬甫出示所居之別墅南巖圖

憶昔同作康山游杖屨歷徧千岩幽知君已具看山眼每  
遇勝處嘗淹留從茲一去間何濶倒指殆欲忘春秋不知  
此地復何地但見大江東去流相逢恍然如隔世盡洗積  
年離別愁首爲袖出南岩圖着鞭先我占一邱南岩之高  
不可攀俗駕欲到何緣繇君乃結屋於其巔避世擬追園  
綺儔雪飛霜瀑自天落戢列萬竹千雲修客來煮茗話疇  
昔酒熟春禽相勸酬自言得此已足老豈復更懷身世憂  
無心偶作雲出岫良念棣萼情綢繆對牀聽雨有真意肯  
放拂衣歸去休登高一日展遐眺洗眼九華雲漬收語我  
南岩卜築地只放五老高一頭丹梯萬丈徑可躡獨恨未  
遂曾往謀我生亦有山水癖欲見未見心先投長哦南山

白石爛夢寐滄江飛白鷗歸興亟辦買山計甘與世好相  
捐矛采蕨可以忘朝飢種橘自當千戶侯眷言志事在畝  
畝適我願兮遑他求此時作書報同志知肯遠爲題詩不  
石潭道中追賦大江

我生大江東與江不相識一日作遠游江頭目因極桃花  
春未漲水落畧見石望斷淮山青隔岸纔咫尺恃此一葦  
航焉能限南極雲屯十萬衆守衛以人力撫御有良將成  
城衆心得江淮唇齒勢如家護牆壁守淮卽守江淮民須  
愛惜我朝聖澤深不在險在德慈儉今天子邇遐無間隔  
大臣百執事根本共培植

送趙德勤將漕淮東

登亭每憶楚東時把酒吟詩對落暉拭目正看黃鵠舉回  
頭不奈白雲飛未應失計荒茅屋正坐無錢買釣磯畎畝  
有懷長抱膝論思惟日望公歸

送趙國宜赴筠州戶掾

苦無多路旅程寬正是江南絮打團欲濕征衣梅雨細不  
成客夢麥秋寒官閒詩可頻搜句親近書宜日問安自笑  
無才愧之子明時君祿詎能干

月臺觀月

臺高無奈月明何豈憚追攀上岌峩萬壑秋聲歸草木百  
年鄉思動關河遙知素影千家共不獨秋光此地多中夜  
酒酣狂欲舞停杯且復聽吳歌

曾三異

三異字無疑號雲巢新淦人淳熙朝貢於鄉端平  
中以遺逸召爲秘閣校勘除大社令

携茶訪楊東山

攀衣不待履霜回到得如今亦樂哉  
泓穎有時供戲劇軒裳無用任塵埃  
眉頭猶自懷千恨興到何如酒一杯  
知道華山方睡覺打門聊伴茗奴來

邱泰

泰字仲義高安人淳熙間以孝行聞  
轉運使趙彥操特奏其名孝宗御筆書付史館後更名高

文昌橋

江右言集 卷一 五  
玉馬橫江直接艫青鰲長此鎮名都川雲占路通三峽谿  
雪衝瀾出五湖不媿授書初志遂每思題柱此才無未須  
擊楫蒼茫裏坐見中流出畫圖

席天祐

天祐樂平人精醫嘗從劉武忠軍采用兵之勢寓  
于碁遂成絕藝

淳熙六年冬醉臥僧房作

霜侵古屋月侵窗撥盡寒灰夜未央仗劍起看吳楚分將  
星今見幾分光

王子俊

子俊字才臣號格齋廬陵人周益公楊誠齋之客

以薦官成都帥幕有三松集

代漕使讌賀帥平蠻轉官樂語

紫橐仙人雲錦裳碧油幢下受降羌三邊外掃烟塵靜一  
札中含雨露香天上卽歸扶日轂尊前莫惜醉霞觴主賓  
情分今如許飲罷相攜入帝鄉

賀彥澤新得子

君不見白居易五十八歲方得嗣當時立名曰阿崔香綳  
綉襦胎髮膩又不見元微之五十八歲方生兒當時立名  
曰道保可望成家得力時西鄰有親曰彥澤天與明珠堪  
愛惜今年年方四十三甲庚少似唐元白葛仙溪前燕子  
樓燕子未老人風流一年一度作湯餅但願年年逢麥秋



張履信

履信字思順號遊初鄱陽人官至連江守

飛來峯

飛來何處峯木杪夜千尺愁猿喚不應月色同一白

冷泉亭

水石一闌干僧歸四山靜攜琴譜澗泉月浸夜深冷

翠微亭

朝朝烏北出夜夜烏南歸所謀在一食所息在一枝人生  
竟何得與烏同此機身世忽過慮泉石良自怡月上飛來  
峯更誰登翠微

訪丹陽王乳泉已變昏黑因賦詩

觀音寺裏泉經品今日唯存玉乳名定是年來無陸子甘  
香收入柳枝餅

傅大詢

大詢字公謀宜春人

賀雨

獅子關前半篆烟二龍飛下卓篙泉銀河掣電連宵雨綠  
野翻雲四月天便覺春生花一縣會看秋熟米三錢何時  
卓魯登黃閣都與寰區作有年

張嗣古

嗣古宜春人紹熙元年進士歷起居舍人中奉大

夫直龍圖閣

仰山龍湫

崎嶇鳥道開烟蘿長空偃蹇聲蕩摩白龍怒吼挂絕壁蒼  
兕離立迎清波枯竹挂破青苔色雷雨收功神歛迹窮源  
不得空歸來掬雪搏珠三歎息

登妙高亭

雨餘山石洗孱顏臥虎蹲羊各自閑杖屨貪穿秋色好不  
知衣惹蘚痕斑

聶子述

子述字善之南城人紹熙元年進士嘉定中四川  
制使曾以顯謨閣學士使金卒諡文定

曾公道夫出示先世手澤歛衽拜觀之餘敬題二小

詩

香辦平生滿意熏  
更參曲阜問關津  
祗宜黃閣官尊貴  
不敢近前丞相嗔

一門翰墨圭璧諸  
老題評粲錦花  
珍重雲仍好收拾  
夜虹貫月定君家

曾漸

漸字鴻甫南城人  
鞏八世孫紹熙元  
年進士第二人累  
官至工部侍郎立  
朝有風節卒贈少  
師謚文莊

登麻姑山

躡石捫蘿得得來  
人間塵累已忘懷  
行窮險道忽平地  
立

江西詩徵

卷十七

宋十三

圭

看飛泉傾斷崖  
邃宇半依蒼木裏  
秀峰長是白雲埋  
方平羽駕今何在  
欲會仙姑恨未諧

詹義

義都昌人紹熙元年進士

登科後解嘲

讀盡詩書五六擔  
老來方得一青衫  
佳人問我年多少  
五十年前二十三

歐陽謙之

謙之字希遜廬陵人朱子門人

題睢陽五老圖

厚德良多積善根  
賢才他日在兒孫  
當知相里非凡壻  
豈

有陳平久席門五老繪圖千載譽羣公詩禮百年存憑君  
挾取傳家學青史賢良有後昆

孫伯溫

伯溫字南叟豐城人紹熙四年進士知臨湘縣

游麻姑山瀑布泉

九官守不嚴失却兩玉龍塵世著不得忽來此山中雷電  
白日開冰雪詩人胸天公不汝尤爲人作年豐

尹德鄰

德鄰字直卿永豐人紹熙中太學生

問寢龍樓曉

父母人皆有儀刑自冕旒問安趨燕寢拂曉過龍樓鵲駕

江西詩徵

卷十七

宋十三

三

嚴城衛鷄人徹夜籌慈闕天語接飛棟月華收萬姓齊歌  
舞三宮歎獻酬小儒憂國切幾白九分頭

劉過

過字改之號龍洲道人泰和人嘗伏闕上書請光  
宗過宮復以書抵時宰陳恢復方略不報放浪湖

海閒有龍洲集

多景樓

金焦兩山相對起不盡中流大江水一樓坐斷天中央收  
拾淮南數千里西風把酒閒來游木葉漸脫人閒秋闌河  
景物異南北神京不見雙淚流君不見王勃詞華能蓋世  
當時未遇庸人耳翩然落拓豫章游滕王閣中悲帝子又

不見李白才思真天人時人不省爲謫仙一朝放跡金陵  
去鳳凰臺上望長安我今四海游將徧東歷蘇杭西漢河  
第一江山最上頭天地無人獨登覽樓高意遠愁緒多樓  
乎樓乎奈爾何安得李白與王勃名與此樓長笑兀

題謝耕道一犁春雨圖

阿耘無田食破硯養親日糴供朝飯凝塵壁上挂瓶罍寒  
日窓前照藜莧汝父訓汝汝當知有田無田未可期有田  
不耕汝懶病無田說田真畫餅畫田之外更畫牛捕風捉  
影何時休頭上安頭又詩軸全家不應猶食粥

寄湖州趙侍郎

桑柘村村烟樹濃新秧刺水麥梳風舟行苕霅雙溪上人



在蘇杭兩郡中鼓角塵譙喧旦暮旌旗小隊間青紅主人  
夙有神仙骨合在水晶天上宮

挽張魏公

背水未成韓信陣明星已隕武侯軍平生一點不平氣化  
作祝融峯上雲

舟中

扁舟上灘風怒惡舟入深溪雪花落我行無事有底忙且  
向荻花深處著鄰船乞火炮蛤蜊樽中濁酒把一卮陶陶  
萬事不復理凍口且吐酸寒詩

盱眙行

車徐行馬後馳天寒遊子來盱眙功名邂逅未可知生身

畢竟要何爲既不起草黃金閭又不侍宴白玉墀何不夜  
投將軍飛勸上征伐鞭四夷滄海可填山可移男兒志氣  
當如斯安能生死困毛錐八韻作賦五字詩金牌郎君黃  
頭兒有眼不忍重見之志大才疏浩無期逢人舉似人笑  
嬉謂爲癡人未必癡喚作奇士何能奇

呈陳總領

旌頭櫓槍銳衝擊殺氣隆隆半天黑千家悲哀萬家哭唐  
鄧征寬招不得北斗移杓向西指八月風高塞塵起大軍  
忠義赴襄陽飛鳥潛魚未知死黔黎殷憂痛無策願得空  
中降韓白嗚呼何代無奇才世間未有黃金臺商渠渡河  
河可憑精衛填海海可平物情大忌不量力立志亦復嘉

專精憶昨痛哭麗正門白袍黑帽如游魂中書堂留草茅  
疏不賜誅戮光宗恩暮年志氣耻彫喪廣長場中弔名將  
願持上方三寸鐵細剖赤心告今上

寄竹隱先生孫應時

竹湖人之英劇縣舅自試三年種桃李遺愛及童稚咸欲  
父母之謂吾公之子獨有督郵嫌見謂不了事瑕疵催科  
細欲以三尺治八月羈僦樓半生廩隱市小窗天日晴洒  
落白胸次抖擻舊塵埃楮札左右置寄做點畫間揮染當  
遊戲人賢世所希嗜好人共貴車馬鬧填門載酒人紛至  
大書極豪放小草亦姿媚歛藏經綸業進此第一義玉版  
抄歌詩石碑刻圖記人家錦爲軸高壁垂至地襲藏較工

拙臨寫費同異爭如老劉子落魄一狂士半生不讀書頗  
能會其意寒泉驥馬飲平陵蛟龍起得非久幽憤于以發  
奇氣政使鐘鼎跡自足名一世毛錐久見絕一見尙能喜  
酒邊袖予詩不譽亦不忌有時奪之去箱篋餘故紙如持  
將軍詰屢博姑蘇醉

古意席上爲徐子宜侍郎賦

桃李多芳妍開落如春風托身終自天花不百日紅殘月  
望朝日各自相西東爲君整儀容照水不照鏡爲君進甘  
旨君視肉有莖悲歌欲感君聲若君不聞金玉徒結君君  
看若浮雲父母長歎息謂兒好容德脂澤固不妍珠翠亦  
無色娉婷艷陽春自醜不自惜君心河漢流爲雨不復收

妾心東流水赴海終不止

謁金陵武帥李夷時叩殿帥爲易憲章求書

搏虎屠龍兩未成蕭然華髮一書生  
狂踪潦倒初無定老氣崢嶸自不平  
借馬飽遊雲夢澤歸舟小駐石頭城  
磨崖已辨中興頌洗眼西湖看北征

贈鄂渚李廣文

曾去征袍異主恩青衫君已染塵痕  
故人然諾千金重刺史文章一代尊  
楚澤地多增感慨峽江天小易黃昏  
要知後夜相思處細雨青燈獨掩門

送王東卿歸天台

枚數人才難倒指有如公者又東歸  
班行失士國輕重道

路不言心是非載酒青山隨處吟  
譚詩玉塵爲誰揮歸期  
趁得東風蚤莫放梅花一片飛

千巖萬壑天台路一日分爲兩日程  
事可語人酬對易面  
無慚色去留輕放開筆下閑風月  
收斂胸中舊甲兵世事  
看來忙不得百年到手是功名

寄張都幹蒙正

林深葉密綠陰繁荷漸生芽蒲有根  
心事蹉跎過歲月故  
人落寞共乾坤舟行蓴菜水雲浦  
路入楊梅煙雨邨何日  
叩門尋子去一尊相對話黃昏

過泰和宮

林塘漠漠亂花飛門掩蒼苔過客稀  
蝴蝶與身俱是夢杜

鷗憐我幾時歸徐行便當盪興穩清話何妨羽扇揮四十  
九年遽伯玉此生畢竟是耶非

偕陳調翁龍山買舟待夜潮發

來逢春雨長魚苗去見秋風擘蟹螯久矣歸心到鄉國依  
然水宿伴漁舸一天如許皆明月二客所須惟濁醪今夜  
四更潮有信更須留眼看銀濤

江頭送趙教印席同賦

東州二三子相送黃鶴磯渭北烟樹合江南春水肥波寬  
魚意足沙淺鳥痕微我亦欲東去斜風雨濕衣

寄張東之

見山堂上山如畫二十年前曾客來飛絮滿城歸不得江

南老邵賀方回

書越州能仁寺壁

流年轉眼一飛梭如此頭顱奈老何  
狼籍落花春不管竹鷄啼處雨聲多

邨店

林深路轉午鷄啼知有人家住隔溪  
一塢開紅春欲動酒帘正在杏花西

余儔

儔字季倫號凝齋鄱陽人有蛙吹集

題韓仲止壁

謁入久不出兀坐如枯蓼蒼頭前致詞  
問我何因來士節



久凋喪人情易嫌猜本無性命憂不去安待哉

范模

模字叔範豐城人有竹林類藁

哭趙忠定

日月開黃道乾坤奠渾儀斯人今已矣吾道竟何之玉鉉  
憂思苦金縢感慨遲仆碑今復立恨不見封爨

鼂董青冥上夔龍紫極邊五龍方夾日九虎已當天夷險  
丹心直安危白髮卷弔湘人不去何用解膠弦

姜夔

夔字堯章鄱陽人蕭東夫識之于年少客游妻以  
兒子因寓居吳興之武康與白石洞天爲鄰自號

白石道人慶元中曾上書乞正太常雅樂得免解  
訖不第而卒有白石詩集

題嚴州烏石寺

諸老凋零極可哀尙留名姓壓崔嵬劉郎可是疎文墨幾  
點胭脂浣綠苔

姑蘇懷古

夜暗歸雲繞柁牙江涵星影鷺眠沙行人悵望蘇臺柳曾  
與吳王掃落花

送朝天續集歸誠齋時在金陵

翰墨場中老斲輪真能一筆埽千軍年年花月無閑我處  
處江山怕見君箭在的中非爾力風行水上自成文先生

江詩言集 卷十七  
祇可三千首回柁江東日暮雲

除夜自石湖歸苕溪

細草穿沙雪半銷吳宮煙冷水迢迢梅花竹裏無人見一  
夜吹香過石橋

美人臺上昔歡娛今日臺空望五湖殘雪未融青草死苦  
無麋鹿過姑蘇

黃帽傳呼睡不成投篙細細激流冰分明舊泊江南岸卅  
尾春風颭客燈

千門列炬散林鴉兒女相思未到家應是不眠非守歲小  
窗春色入燈花

三生定是陸天隨只向吳淞作客歸已拚新年舟上過倩

人和雪洗征衣

沙尾風回一櫂寒  
椒花今夕不登盤  
百年草草都如此  
自琢春詞翦燭看

笠澤茫茫雁影微  
玉峯重疊護雲衣  
長橋寂寞春寒夜  
祇有詩人一舸歸

桑間篝火卻宜蠶  
風土相傳我未諳  
但得明年少行役  
祇裁白苧作春衫

少小知名翰墨場  
十年心事祇淒涼  
舊時曾作梅花賦  
研墨于今亦自香

環珞隨波冷未銷  
古苔留雪臥牆腰  
誰家玉笛吹春怨  
看見鵝黃上柳條

過垂虹

自作新詞韻最嬌  
小紅低唱我吹簫  
曲終過盡松陵路  
回首煙波十四橋

嘉泰壬戌上元日訪全老于淨林廣福院觀沈傅師  
碑隆茂宗畫贈詩

深衣跨羸驂  
杳杳春山路  
入寺君未知  
閑看移桂樹  
沈碑含秀潤  
隆畫出神奇  
道人那得此  
老子乃耽之

龍井

年時六月海揚塵  
遙見青山起白雲  
聞有高僧來誦咒  
巖前拋筴問龍君

燈詞

燈已闌珊月氣寒舞兒往往夜深還祇應不盡婆娑意更  
向街心弄影看

南陌東城盡舞兒畫金刺綉滿羅衣也知愛惜春遊夜舞  
落銀蟾不肯歸

沙河雲合無行處惆悵來遊路已迷却入靜坊燈火空門  
門相似列蛾眉

遊人歸後天街靜坊陌人家未閉門簾裏垂燈照樽俎坐  
中嬉笑覺春溫

珠絡琉璃到地垂鳳頭銜帶玉交枝君王不賞無人進天  
竺堂深夜雨時

貴客鉤簾看御街市中珍品一時來簾前花架無行路不

得金錢不肯回

自題畫像

鶴氅如烟羽扇風  
賦情芳草綠陰中  
黑頭辦了人間事  
來看凌霜數點紅

赤松圖

山東隆準公未語  
心已解按劍堂下人  
成事汝應退非無  
帶礪約政爾有恩  
害平生三寸舌松間  
漱寒澗

虞美人草

夜闌浩歌起玉帳  
生悲風江東可千里  
棄妾蓬蒿中化石  
那解語作草猶可舞  
陌上望騅來翻愁不  
相顧

花藏寺雲海亭望具區

茫茫復茫茫中有山蒼蒼大哉夫差國坐占天一方夫差  
醉蓮宮巨浪搖不醒越師從何來奪我玉萬頃年年亭上  
秋一遂千古愁誰能知往事飛下雙白鷗

夏日寄朴翁朴時在靈隱

風吹松樹枝懷我松間友雲從北山來令我屢回首山雲  
夜夜起山雨侵人衣遙知竹窓裡自吟新雨詩

鳥夜啼

老鳥栖栖飛且號晨來枝上啄楮桃楮桃已空楮葉死猶  
啄枯枝覓蟲蟻老鳥賦分何其貧永啼已被鄰公嗔吁嗟  
老鳥不自省牆頭屋上紛成群吳中貴遊重鸚鵡千金遠  
致能言語花底紅條鄭袖擎盤中碧果秦宮取天生靈物



得人憐過者須與鸚鵡邊老烏事事無足錄人問猶傳夜  
號曲

予居茗溪上與白石洞天爲鄰潘德久字予曰白石  
道人且以詩見畀其詞曰人閒官爵似撈捕采到枯  
松亦大夫白石道人新拜號斷無繳駁任稱呼予以  
長歌報贖

南山仙人何所食夜夜山中煮白石世人喚作白石仙一  
生費箇不費錢仙人食罷腹便便七十二峯生肺肝徵租  
只作南山南我欲從之不憚遠無由煮石何由輒嘉名錫  
我何敢辭但愁自此長苦饑囊中只有轉菴詩便當掬水  
三嚙之

篋篋引

篋篋且勿彈老夫不可聽河邊風浪起亦作篋篋聲古人  
抱憾死今人抱憾生南鄰賣妻者秋夜難爲情長安買歌  
舞半是良家婦主人雖愛憐賤妾那久住緣貧來賣身不  
緣觸夫怒日日登高樓悵望宮南樹

李陵臺

李陵歸不得高築望鄉臺長安一萬里鴻雁隔年回望望  
雖不見時時一上來

昔遊詩

昔遊衡山上未曉入幽谷欲識所坐輿橫板挂兩竹狀如  
鞦韆垂高下不傾覆登山九千丈中道多佛屋一峯高一

峯峯秀林木仰看同來客木末見冠服高堂石當路尋  
常雲所宿下方雷雨時此上自晴旭紫蓋何笑兀萬里在  
一目餘峯六七十僅如翠浪蘊北有嬾瓚崑大石底樵牧  
下窺半厓花杯盂琢紅玉飛雲身畔過攬之不盈掬祝融  
最高絕紫蓋不足錄俯視同仰觀蒼蒼萬形伏惟餘岫嘍  
峯南睇半空綠彷彿認瀟湘向嶽流屈曲高處驚我魂翻  
思宅平陸其東有雷穴靈異謹勿觸雲來綿世界雲去一  
峯獨僧窗或留鱗雲入不可逐絕頂橫石渠仙人有遺躅  
山多金光草夜半如列燭靈藥不可尋吁嗟歸太速

過湘陰寄千巖

渺渺臨風望遠情荻花楓葉帶離聲夜深吹送移船去三

十六灣秋月明

雁圖

萬里晴沙夕照西此心惟有斷雲知  
年年數盡秋風字想見江南搖落時

次石湖書扇韻

橋西一曲水通郵  
岼閣浮萍綠有痕  
家住石湖人不到  
藕花多處別開門

臨安旅邸荅蘇虞叟

垂楊風雨小樓寒  
宋玉秋詞不忍看  
萬里青山無處隱  
可憐投老客長安

京口留別張思順

伯勞飛燕若爲忙，還憶東齋夜共床。  
別後無書非棄我，春來會面却他鄉。  
連宵爲說經憂患，異日相逢各老蒼。  
更欲少留天不許，曉風吹艇入垂楊。

次韻德久

籬落青青花倒垂，避人黃鳥雨中飛。  
西郊寂寞無車馬，時有溪童賣菜歸。

同潘德久作明妃詩

明妃未嫁時，滿宮如蛾眉。  
一朝辭玉陛，人人淚雙垂。  
年年心隨鴈，日日穹廬中。  
遙見沙上月，忽憶建章宮。  
身同漢使來，不同漢使歸。  
雖爲胡中婦，只著漢家衣。

湖上寓居雜詠

荷葉披披一浦涼  
青蘆奕奕夜吟商  
平生最識江湖味  
聽得秋聲憶故鄉

湖上風恬月澹時  
臥看雲影入玻璃  
輕舟忽向窓邊過  
搖動青蘆一兩枝

秋雲低結亂山愁  
千頃銀波凝不流  
隄畔畫船隄上馬  
綠楊風裏雨悠悠

花塙曲曲柳冥冥  
人靜山空見一燈  
荷葉似雲香不斷  
小船搖曳入西陵

柳下軒窓枕水開  
畫船忽載故人來  
與君同過西陵路  
却指烟波獨自回

指點移舟著柳隄  
美人相顧復相攜  
上橋更覺秋香重  
花

在西陵小苑西

三高祠

越國霸來頭已白  
洛陽歸去夢猶驚  
沈思只羨天隨子  
蓑笠寒江過一生

過桐廬

橫看山色仰青雲  
十幅風帆不藉人  
記取合江江畔路  
他年此處好垂綸

武康永宅同朴翁詠牽牛

青花綠葉上踈籬  
別有長條竹尾垂  
老覺淡妝差有味  
滿身秋露立多時

過德清

木末誰家縹緲亭  
畫船臨水更虛明  
經過此處無相識  
塔下秋雲爲我生

寄田郎

楚楚田郎亦大奇  
少年風味我曾知  
春城寒食誰相伴  
夜月梨花有所思  
翦燭屢呼金鑿落  
倚窗閑品玉參差  
含情不擬逢人說  
鸚鵡能言自作詞

古樂府

裁衣贈所歡  
曲領再三安  
歡出無人試  
闔中自著看

寄時父

遲君日日數歸程  
到得君歸我已行  
一路好山思共看  
半年有酒不同傾  
吾儕正坐清貧累  
各自而今白髮生  
人物



三  
眇眇須強飯天工應不負才名

越中士女春遊

秦山越樹兩依依  
閑倚闌干看落暉  
楊柳稍頭春又暗  
玉簫聲裏夜遊歸

送范仲訥往合淝

壯志只便鞍馬上  
客夢長在江淮間  
誰能辛苦運河裏  
夜與商人爭往還

我家曾住赤闌橋  
鄰里相過不寂寥  
君若到時秋已半  
西風門巷柳蕭蕭

小簾燈火屢題詩  
回首青山失後期  
未老劉郎定重到  
煩君說與故人知

下孤城

人家多住竹籬中  
楊柳疎疎尚帶風  
記得下孤城下路  
白雲依舊雨三峰

蕭山

歸心已逐曉雲輕  
又見越中長短亭  
十里水邊山下路  
桃花無數麥青青

陪張平甫遊禹廟

鏡裏山林綠到天  
春風只在禹祠前  
一聲何處提壺鳥  
猛省紅塵三十年

崔與之

與之字正子寧都人紹熙四年進士官四川安撫

制置使真西山上書稱之召爲禮部尙書參知政

事卒封南海郡開國公諡清獻有菊坡集

按宋詩紀事作

廣州人茲據寧都志收入

送夔門丁帥赴召

議論方前席功名早上坡去帆瓜蔓水遺愛竹枝歌同志  
星辰少孤愁暮雨多倚風窮望眼碧色森平沙

峽山飛來寺

萬里星槎海上旋名山今喜得攀援猥揮孫恪千年淚月  
照維摩半夜禪磴長荒苔人跡少厓攢古樹鵲巢懸江流  
上溯曹溪水時送鐘聲到寺前

題金精洞

翠壁丹崖倚壁穹一壺天地畫圖中  
青鸞有路三山遠玉洞無塵萬鏡空  
虛室尙留丹竈冷靈泉直與海波通  
客遊到此應忘返自覺仙凡迥不同

馮椅

椅字奇之都昌人朱子門人紹熙四年進士充江  
西運司幹辦公事攝上高令

詠歸亭

弓轉寒溪月一灣下臨虎豹踞爛斑  
林烟濶處飛層閣雲影高時護遠山  
衿佩光陰弦誦裏丹青人物畫圖閒  
紅塵堆案那能到只有漁船自往還

董煟

燭字繼興號南隱德興人紹熙四年進士知瑞安縣改辰溪值歲飢荒政備舉淮所換救荒活民書寧宗手勅褒之有南隱集

董端公墓

從來正氣關天地扞禦功成死不妨守土忠貞唐許遠埋輪節概漢張綱麒麟高冢閒金盃肩鼎豐碑重玉堂曠代衣冠誰解識令人終古泣斜陽

江西詩徵卷十七